



Republika e Kosovës / Republika Kosovo / Republic Of Kosovo



Komuna Rahovec / Opština Orahovac / Municipality Rahovec



REPUBLIKA E KOSOVËS
REPUBLIKA KOSOVA

KOMUNA E RAHOVECIT - OPŠTINA ORAHOVAC

Drejtoria për Arsim
Odeljenje za Obrazovanje



Drejtoria për Arsim

Odeljenje za Obrazovanje

Department for Education

Raport gjashtëmujor i punës

IV- Nr. i prot. 372 Më 08.07.2022
Br. prot. Dt. 20
RAHOVEC - ORAHOVAC

(Janar – Qershor, 2022)

Gjatë gjashtë muajve të parë të vitit 2022 në kuadër të DKA-së u realizuan këto aktivitete:

Muaji Janar

Më 10 janar ka filluar procesi mësimor i vlefshëm për periudhën e dytë të vitit shkollor në të gjitha shkollat e komunës sonë. Për të parë nga afër fillimin e gjysmëvjetorit të dytë, ishim për vizitë në SHML "Ukshin Hoti" në Krushë të Madhe. Kemi ndërmarrë veprimet e duhura në objektin e shkollës së mesme profesionale, në mënyrë që objekti i kësaj shkolle të ngrohet në mënyrë të vazhdueshme. Në Shfmu "31 Marsi" në Guri të Kuq, janë kryer punimet e fundit të riparimit të një pjese të njeve sanitare nga kompania e kontraktuar. Kanë vazhduar punimet në projektin e instalimit të ngrohjes qendrore në objektin e SHML "Xhelal Hajda-Toni". Kemi qenë në terren tek objekti i çerdhes për fëmijë në Krushë të Madhe së bashku me ekipin e KEDS-it, për t'i ndërmarrë veprimet e sigurimit të Pëlqimit Elektroenergjetik. Më 17 janar kemi mbajtur një takim me drejtorët e shkollave, kryetarët e Këshillave Drejtuese të Shkollave (KDSH) dhe me Koordinatorët e Cilësisë(KC) të secilës shkolle.

Kemi kontaktuar me operatorët e kontraktuar për rifillimin e punimeve në projektet në vazhdim. Nga KEDS-i, kemi marrë konfirmimin se është bërë gati Pëlqimi Elektroenergjetik (PEE) për fuqinë e angazhuar të energjisë elektrike për objektin e çerdhes dhe 2 objekteve të tjera të parashikuara të ndërtohen në të ardhmen. Kemi hapur konkursin për bursa studentore dhemenjëherë ka filluar edhe aplikimi i studentëve. Poashtu, DKA ka hapur edhe disa konkurse të tjera për mësimdhënës, të planifikuara për t'i plotësuar nevojat për kuadër profesional gjatë tërë vitit. Në çerdhen për fëmijë "Tulipanët" pas furnizimit me perde, u bë edhe furnizimi me tepihë për dysheme. Kemi vazhduar me organizimin dhe mbajtjen e garave shkollore të vlefshme për Olimpiadën Matematike dhe për Garën Republikane të Fizikanëve të Rinjë. Në koordinim me DKRS dhe Këshillin Organizues u kujdesëm për mbarëvajtjen e aktiviteteve të parapara për manifestimeve të Flakës së Janarit. Kemi mbajtur një takim në departamentin e infrastrukturës në Masht me zyrtarët e këtij departamenti dhe me përfaqësues të BE-së, ku kemi biseduar për iniciimin e zbatimit të projekteve të reja për çerdhen e re që do të ndërtohet në qytet dhe për objektin e ri të shkollës në Pastasel. Nga ky takim kemi marrë 3 modele të projekteve për çerdhen në qytet dhe në vazhdim për të siguruar lokacionin e ndërtimit të saj

dhe të dhënat tjera që do t'i dorëzojmë në MASHT. Një takim tjetër mbajtëm edhe me Kolegjiun për Arsim, ku u shqyrtua gjendja me pandeminë në shkolla. Gjatë javës së fundit të janarit gjendja pandemike u përkeqësua sepse ka patur mbi 80 nxënës të infektuar me covid. Si rezultat i kësaj gjendjeje, 4 paralele të shkollave të ndryshme kanë kaluar në mësim online, e poashtu Task Forca e shkollës "Isa Boletini" ka kaluar në skenarin C (mësim online), pasi mbi 50 nxënës të kësaj shkolle ishin të infektuar.

Muaji Shkurt

Kemi vazhduar me organizimin dhe mbajtjen e garave shkollore të vlefshme për Olimpiadën Matematike dhe për Garën Republikane të Fizikanëve të Rinjë. Ka vazhduar aplikimi i studentëve në konkursin për bursa studentore dhe ky proces do të vazhdonte deri më 11 shkurt 2022 . Shpallëm konkursin për 2 asistentë/e për fëmijë/nxënës me nevoja të veçanta, bazuar në vendimin e MASHTI-it. Kemi filluar përgatitjet për mbajtjen e Kuizit të Diturisë për lëndën e Historisë me nxënësit e klasave të 12-a, për nder të festës së 17 shkurtit. Kemi filluar me përgatitjet për hartimin e Pakos Pedagogjike për klasat 6 deri 12 dhe për këtë arsye kemi mbajtur një takim me përfaqësuesit e Aktivave Profesionale të fushave kurrikulare të shkollave. Gjatë javës së parë të shkurtit, poashtu, kemi shpërndarë lektyrat dhe librat në bibliotekat e 8 shkollave të komunës sonë. Kemi riparuar pompat termike të ngrohjes qendrore në shkollën Skender Kastrati, të cilat patën një prishje, ndërsa në shkollën profesionale me ndihmën e ekipeve të KRU "Gjakova" është gjetur defekti i rrjedhjes dhe humbjeve të sasisë së ujit në rrjetin instalues. Në shkollën "Vëllezërit Frashëri" në Drenoc dhe në paralelen e ndarë të saj në Senoc ka përfunduar instalimi i kamerave të sigurisë. Më 12 shkurt mbajtëm Garën Komunale të Fizikanëve të Rinj me nxënësit e klasave 9, 10, 11 dhe 12 të të gjitha shkollave. Në bashkëpunim me Policinë e Kosovës janë organizuar dhe kanë filluar të mbahen ligjërata me karakter edukativ dhe vetëdijësues me nxënësit e disa shkollave. Për nder të 17 shkurtit – Ditës së Pavarësisë së Kosovës, u organizuan dhe u mbajt Kuizi i Diturisë për lëndën e Historisë me nxënësit e klasave të 12-a, dhe gara për pikturën me të mirë. Në objektin e shkollës "Tre Dëshmorët" në Vrajakë/Bratotin kanë rifilluar punimet në ndërtimin e saj dhe poashtu, punimet kanë rifilluar edhe në çerdhen e fëmijëve në Xërxë. Kemi pranuar një donacion të vogël nga OSBE për Qendrën Arsimore në shkollën "Katër Dëshmorët" në Ratkoc, ku zhvillohet mësim shtesë për fëmijët e komuniteteve Romë, Ashkali dhe Egjiptianë. U mbajt Kuvendi zgjedhor i Këshillit të Prindërve në nivel komunal, me ç'rast u zgjodh kryesia dhe kryetari. Më 19 shkurt, organizuam dhe mbajtëm Garën Komunale të Olimpiadës Matematike me nxënësit e klasave 9, 10, 11 dhe 12 të të gjitha shkollave. Në objektin e shkollës "Tre Dëshmorët" në Vrajakë/Bratotin kanë vazhduar punimet në suvatimin e mureve të brendshme të saj, pas montimit të dritareve. U mbajt takimi i rregullt mujor me drejtorët e shkollave dhe me kryetarët e Këshillave Drejtuese të Shkollave. Më 27 shkurt, i dërguam për të marrë pjesë në Garën Republikane të Fizikanëve të Rinj 4 nxënësit fitues nga Gara Komunale të klasave 9, 10, 11 dhe 12.

Muaji Mars

U bënë përgatitjet e nevojshme dhe u mbajt manifestimi festiv për shënimin e 7 Marsit – Ditës së Mësuesit dhe Shkollës së parë Shqipe. Kemi përfunduar shpërndarjen e mjeteve të konkretizimit dhe pajisjeve laboratorike në 12 shkolla. Mbajtëm një takim me drejtorët e shkollave dhe me koordinatorët e cilësisë, ku u bë prezantimi i projektit “SchoolMe”. Mbajtëm një takim me menaxherët e projektit nga MAPL për ndërtimin e shkollës “SADEDIN HAJDA”, me të cilët u konsultuam rreth punëve përfundimtare që duhet bërë në këtë objekt. Kemi bërë shkresë zyrtare në MASHT, në të cilën kemi dërguar të dhëna për çerdhet e reja dhe kemi kërkuar ndihmë për funksionalizimin e tyre me staf adekuat. Kemi vizituar punimet që po bëhen në çerdhen për fëmijë në Xërxë dhe punimet e sapo përfunduara të riparimeve në objektin e SHML “12 Maji” ku u shtruan dyshemetë e katit përdhesë. Poashtu, në Retijë të Poshtme ka përfunduar riparimi i kulmit të depos së druve. U mbajt edhe takimi i rregullt mujor me drejtorët e shkollave.

Muaji Prill

Në bashkëpunim me Policinë e Kosovës kanë vazhduar të mbahen ligjërata me karakter edukativ dhe vetëdijësues me nxënësit e disa shkollave . Në çerdhen për fëmijë në Xërxë janë zhvilluar punime brenda objektit e poashtu edhe në objektin e shkollës “Tre Dëshmorët” në Vrajakë/Bratotin kanë vazhduar punimet. Kemi bërë shkresë zyrtare në MASHT, në të cilën kemi dërguar të dhëna për çerdhet e reja dhe kemi kërkuar ndihmë për funksionalizimin e tyre me staf adekuat. Në fillim të prillit përfundoi periudha e dytë e procesit mësimor dhe në vazhdim ishte pushimi pranveror.

Kemi filluar përgatitjet për organizimin dhe mbajtjen e Testit Ndërkombëtar PISA dhe përgatitjet për Testin e Arritshmërisë për klasat e nënta. Kemi bërë shkresë zyrtare në MASHT, me të cilën kemi kërkuar edhe njëherë që sa më shpejtë të bëhet furnizimi me inventar i shkollave dhe çerdheve të reja të ndërtuara.

Ka vazhduar procesi mësimor i vlefshëm për periudhën e tretë të këtij viti shkollor, me ç`rast, nxënësit e shkollave “Bekim Sylka” dhe ata të ciklit të lartë të shkollës “Isa Boletini” kanë vazhduar të mbajnë mësim në objektin e ri të shkollës “Sadedin Hajda” dhe në objektin e Shkollës së Mesme Profesionale . Mbajtëm një takim me Kolegjiun për Arsim në kuadër të Asociacionit të Komunave të Kosovës.

Për nder të 22 prillit – Ditës së Tokës, nxënësit dhe mësimdhënësit e të gjitha shkollave i janë bashkuar aksionit vullnetar për pastrim dhe pati një pjesëmarrje masive. DKA nënshkroi marrëveshje bashkëpunimi me Organizatën ABSM me qendër në Zvicër dhe me degën e saj në Gjakovë, e cila funksionon si qendër edukative. Me këtë organizatë synojmë të realizojmë projekte të përbashkëta në fushën e arsimit dhe aftësimin profesional. Patëm një takim edhe me përfaqësues nga Agjencia Japoneze për Bashkëpunim Ndërkombëtar “ JICA”, me të cilët

bashkëbiseduam për nisjen e projektit “Programi i riciklimit të mbeturinave dhe edukimi mjedisor” Ky projekt do të realizohet me nxënësit e 2 shkollave të komunës sonë.

Në paralelen e ndarë të shkollës “Rudolf Walther” në Dobidol, janë zhvilluar punime në rregullimin e kanalizimit të objektit të shkollës dhe kyçjes së tij me rrjetin kryesor të kanalizimit të fshatit. U mbajt një sesion informues për maturantët nga profesorët e Universitetit të Prizrenit lidhur me programet e studimit që ofron ky universitet.

Muaji Maj

U mbajt një takim me MASHT-in dhe u bënë përgatitjet e nevojshme për shkuarjen në ekskurzion të maturantëve. Ka vazhduar procesi mësimor i vlefshëm për periudhën e tretë të këtij viti shkollor, ndërkohë që procesi mësimor për maturantët përfundoi më 20 maj. Në objektin e vjetër të Shkollës “Isa Boletini” kanë vazhduar punimet në ndërmarrjen e masave të eficiencës së energjisë, ndërkohë që këto punime kanë filluar edhe në Shkollën “Bekim Sylka”.

Zhvilluam edhe një takim konsultativ me përfaqësues të projektit “SchoolMe” për hapat që do t’i ndjekim për të filluar së zbatuari këtë projekt. Në MASHT kemi nënshkruar marrëveshjen për fillimin e zbatimit të projektit “EYE” për themelimin e Qendrës së Karrierës në Shkollën e Mesme Profesionale. Në shkollën Rudolf Walther në Dejnë kemi pranuar një donacion të vlefshëm nga një bashkatdhetar, në vlerë prej 8500€, ku përfshihen 10 Smart Tv, 6 fotokopjues dhe një videoprojektor. U mbajt testi PISA në 9 shkolla të komunës sonë.

Kemi aplikuar në një projekt në bashkëpunim me Caritas-in Zvicëran, përmes të cilit në 3 shkolla të mesme të komunës sonë do të themelohen eko-klubet e të rinjve. Tashmë jemi përfitues të këtij projekti dhe marrëveshja do të nënshkruhet së shpejti.

Mbajtëm Garën Komunale të diturisë me nxënësit e klasave të 6-a, 10-a dhe 11-a, në lëndët Gjuhë shqipe, gjuhë angleze, Kimi, Biologji Ekologji e Mjedis. Ndërkohë që kemi bërë edhe përgatitjet tjera për mbajtjen e Garës Komunale të Diturisë edhe me lëndët dhe klasat tjera. Nisëm procedurën për realizimin e projektit “Furnizimi i shkollave me teknologji informative – Tabela Digjitale”.

Muaji Qershor

Kanë filluar punimet në ndërtimin e fushës sportive në oborrin e shkollës “31 Marsi” në Guri të Kuq. Pas lidhjes së kontratës kanë filluar dhe po vazhdojnë punimet në instalimin e ujit, rrymës dhe kanalizimit për çerdhen e fëmijëve në Krushë të Madhe. Kemi mbajtur një takim me koordinatorët dhe administratorët e Provimit të Maturës dhe Testit të Arritshmërisë për përgatitjet që duhej bërë. Me rastin e 1 qershorit - Ditës së Fëmijëve, së bashku me DKRS-në dhe Shoqatën “Hareja” mbajtëm një manifestim festiv. Shpallëm rezultatet e përfituesve të bursave studentore

U mbajt Testi i Arritshmërisë për nxënësit e klasave të IX-ta, i cili u zhvillua në 4 qendra dhe në këtë test morën pjesë 710 nxënës. Ky test, u zhvillua në 2 pjesë, përkatësisht, më 4 qershor dhe më 14 qershor. Patëm edhe aktivitete përkujtimore dhe Festën e Ditës së Shkollës së Muzikës në 10 vjetorin e themelimit të saj. Në objektin e vjetër të Shkollës "Isa Boletini" dhe në Shkollën "Bekim Sylka" kanë vazhduar punimet në ndërmarrjen e masave të efikasitetit të energjisë. Poashtu, janë zhvilluar punimet e fazës përfundimtare në çerdhen për fëmijë në Xërxë. Në SHML "Xhelal Hajda --Toni"" janë zhvilluar punime në projektin e instalimit të ngrohjes qendrore.

Kemi patur një takim në MASHT dhe në Departamentin e Infrastrukturës u interesuam për çështjen e projektit të shkollës në Pastasel dhe për projektin e çerdhes. Organizuar nga Drejtoria e Shëndetësisë dhe QKMF, janë zhvilluar vizita sistematike mjekësore në shkollat fillore të komunës sonë. Më 10 qershor përfundoi mësimi për nxënësit e klasave 9, 10 dhe 11. U mbajt Gara Komunale e Diturisë në disa lëndë mësimore me nxënësit e klasave të katërta, të gjashta, të shtata dhe të teta. Më 18 qershor, u mbajt Provimi i Maturës, në të cilin morën pjesë 413 maturantë. Prej tyre, pragun e kalueshmërisë e arritën 280 maturantë, ose shprehur në përqindje 67,8 %, ndërsa nuk e kaluan 133 maturantë, ose shprehur në përqindje 32,2 %. Patëm edhe aktivitete festive të Ditëve të Shkollave në disa shkolla.



Avni Morina
Avni Morina
Drejtör i DKA-së